

Mae gen i orchymyn amodol Beth ddylwn i ei wneud nesaf?

Sut mae cael gwybodaeth neu gyngor?

I gael gwybodaeth, cymorth a chynghor cyfreithiol di-dâl, cysylltwch â'r Gwasanaeth Cyfreithiol Cymunedol Uniongyrchol ar 0845 345 4 345 neu www.clsdirect.org.uk. Gallwch hefyd geisio cymorth gan Ganolfan Cyngor ar Bopeth neu Ganolfan Cyngor i Ddefnyddwyr.

Beth fydd yn digwydd ar ôl i'r Barnwr gyhoeddi fy ngorchymyn amodol?

Bydd y llys yn anfon atoch chi a'r atebdydd ffurflen D529 (gorchymyn amodol).

Ceir fersiwn gwahanol o'r gorchymyn amodol ar gyfer pob un o'r pedair sail dros ddiddymu.

Fe welwch fod ffurflen D529 yn dweud wrthydd nad y gorchymyn terfynol yw hwn. Mae hefyd yn dweud wrthydd pa bryd y cewch wneud cais am eich gorchymyn terfynol.

Beth sy'n rhaid i mi ei wneud cyn gwneud cais am fy ngorchymyn terfynol?

Os oes plant yn y teulu, sicrhewch fod y llys wedi anfon ffurflen D584B atoch, sy'n datgan fod y barnwr wedi penderfynu nad oes angen i'r gorchymyn terfynol gael ei ddal yn ôl oherwydd y plant.

Ni all eich gorchymyn amodol gael ei wneud yn derfynol os anfonodd y llys ffurflen D566 atoch. Gweler taflen D195 - Plant a diddymu.

Os:

- nad oes plant yn y teulu; neu
- fod y llys wedi anfon ffurflen D584B atoch;

yna gwiriwch fod chwe wythnos wedi mynd heibio ers i'ch gorchymyn amodol gael ei wneud.

Y dyddiad cyntaf pryd y cewch wneud cais am eich gorchymyn terfynol yw chwe wythnos ac un diwrnod o'r dyddiad pryd y gwnaed eich gorchymyn amodol.

Y dyddiad pryd y gwnaed y gorchymyn amodol

MEDI						
LL	M	M	I	G	S	S
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
HYDREF						
TACHWEDD						
LL	M	M	I	G	S	S
			1	2	3	4
5	6	7	8	9	10	11

Y dyddiad cyntaf i wneud cais am orchymyn terfynol

Y dyddiad cyntaf pryd y cewch wneud cais am eich gorchymyn terfynol yw chwe wythnos ac un diwrnod o'r dyddiad pryd y gwnaed eich gorchymyn amodol.

Os mai chi yw'r atebydd ac nad yw'r deisebydd eisoes wedi gwneud cais am y gorchymyn diddymu terfynol, mae modd i chi wneud cais am y gorchymyn diddymu terfynol tri mis, chwe wythnos ac un diwrnod o ddyddiad cyhoeddi eich gorchymyn amodol.

Os cyflwynir y cais am i'r gorchymyn amodol gael ei wneud yn derfynol yn hwy na 12 mis wedi'r gorchymyn amodol, rhaid cyflwyno eglurhad ysgrifenedig gyda'r cais am i'r gorchymyn amodol gael ei wneud yn derfynol, yn cynnwys y wybodaeth ganlynol:

- rhesymau dros yr oedi
- datganiad ynglŷn ag a yw'r partïon wedi cyd-fyw â'i gilydd (gan gynnwys dyddiadau) ers y gorchymyn amodol
- datganiad ynglŷn ag a oes unrhyw blentyn wedi'i eni i'r naill bartner sifil neu'r llall ac a ydynt i'w hystyried yn blant y teulu ai peidio.

Dylech holi'r llys sy'n ymdrin â'r diddymiad i gael gwybod a fydd angen i chi ffeilio affidafid hefyd.

Faint fydd hyn yn ei gostio?

Mae'n bosibl y bydd yn rhaid i chi dalu ffi i'r llys. Gofynnwch i staff y llys am gopi o daflen **EX50 – Ffioedd y Llys Sirol**. Mae hon yn rhestru'r ffioedd teulu mwyaf cyffredin. Mae hefyd ar gael oddi ar ein gwefan www.gwasanaeth-llysoeddem.gov.uk.

Sut alla i dalu'r ffi?

Gydag arian parod, archeb bost neu siec. Gwnewch eich siec neu'ch archeb bost yn daladwy i 'Gwasanaeth Llysoedd Ei Mawrhydi' (GLIEM). Sylwch na all llysoedd dderbyn taliadau drwy gerdyn credyd neu ddebyd.

Oes rhaid talu'r ffi bob amser?

Na. Fe allai eich sefyllfa ariannol olygu nad oes rhaid i chi dalu ffi. Mae'r llyfryn a'r ffurflen gais ar y cyd, **EX160A – Ffioedd Llys – oes rhaid i mi eu talu?** yn darparu rhagor o wybodaeth ynghylch hyn.

Gall staff y llys roi copi o EX160A i chi. Mae ar gael ar ein gwefan hefyd ar www.gwasanaeth-llysoeddem.gov.uk. Rhaid i chi wneud cais ar wahân am bob ffi y byddai'n rhaid i chi ei thalu fel arall.

Ydw i angen ffurflen i wneud fy ngorchymyn amodol yn un terfynol?

Ydych. Gallwch gael ffurflen D36 (hysbysiad o gais ar i ddyfarniad nisi gael ei wneud yn absoliwt, neu i orchymyn amodol gael ei wneud yn derfynol) o swyddfa'r llys.

Llenwch y ffurflen a mynd â hi i swyddfa'r llys neu ei hanfon yno.

Beth fydd y llys yn ei wneud gyda ffurflen D36?

Oddi ar eich ffeil, bydd y llys yn gwirio'r canlynol.

- Os oes yna blant;
- fod y llys yn fodlon ar y trefniadau arfaethedig ar eu cyfer; neu
- hyd yn oed os nad yw'r llys yn fodlon, nad oes unrhyw amgylchiadau eithriadol yn effeithio ar y gorchymyn terfynol;
- fod chwe wythnos wedi mynd heibio ers cyhoeddi eich gorchymyn amodol;
- nad oes unrhyw reswm arall paham na ellir gwneud eich gorchymyn amodol yn derfynol.
- Os bydd popeth mewn trefn, bydd y llys yn anfon ffurflen D537 (gorchymyn terfynol) atoch chi a'r atebydd.

Ffurflen D537 yw eich gorchymyn terfynol. Rydych bellach yn rhydd i ffurfio partneriaeth sifil newydd neu i briodi os ydych yn dymuno.

Cofiwch: Os oes cyd-atebydd i'ch deiseb, mae'r wybodaeth yn y daflen hon ynglŷn ag atebwyr hefyd yn berthnasol i'r cyd-atebydd.